



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱՁ

ՀՐԱՄԱՆ № 19

«24» 02 2020 թ.

ք. Երևան

2020թ. ԱՊՐԻԼԻ 5-ԻՆ ԿԱՅԱՆԱԼԻՔ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԴՐՈՒԹՅԱՆ ՓՈՓՈԽՈՒԹՅՈՒՆՆԵՐԻ ՀԱՆՐԱՔՎԵԻ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ԸՆԹԱՑՔՈՒՄ ՀՆԱՐԱՎՈՐ ԸՆՏՐԱԿԱՆ ԻՐԱՎԱԽԱՄԱՏՈՒՄՆԵՐԻ ՎԵՐԱԲԵՐՅԱԼ ՄԱՍՈՒԼԻ ՀՐԱՊԱՐԱԿՈՒՄՆԵՐԸ, ՔԱՂԱՔԱՑԻՆԵՐԻ ՀԱՂՈՐԴՈՒՄՆԵՐԸ ԵՎ ՀՀ ԳԼԽԱՎՈՐ ԴԱՏԱԽԱՁՈՒԹՅԱՆ ԹԵՃ ԳԾՈՎ ՍՏԱՑՎԱԾ ԱՀԱԶԱՆԳԵՐԸ ԳՐԱՆՑԵԼՈՒ, ՈՒՍՈՒՄՆԱՍԻՐԵԼՈՒ, ԸՍՏ ԵՆԹԱԿՎՅՈՒԹՅԱՆ ՈՒՂԱՐԿԵԼՈՒ, ԴՐԱՆՑ ՔՆՆԱՐԿՄԱՆ ՕՐԻՆԱԿԱՆՈՒԹՅԱՆ ՆԿԱՏՄԱՄԲ ԴԱՏԱԽԱՁԱԿԱՆ ՀՍԿՈՂՈՒԹՅԱՆ ԱՐԴՅՈՒՆԱՎԵՏՈՒԹՅՈՒՆԸ ԲԱՐՁՐԱՑՆԵԼՈՒ ԵՎ ԱՅԴ ՈԼՈՐՏՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱՁՈՒԹՅԱՆ ԳՈՐԾՈՒՆԵՈՒԹՅՈՒՆԸ ՀԱՄԱԿԱՐԳԵԼՈՒ ՆՊԱՏԱԿՈՎ ԱՇԽԱՏԱՆՔԱՅԻՆ ԽՈՒՄԲ ՍՏԵՂԾԵԼՈՒ ՄԱՍԻՆ

2020թ. ապրիլի 5-ին կայանալիք Հայաստանի Հանրապետության Սահմանադրության փոփոխությունների հանրաքվեի նախապատրաստման և անցկացման ընթացքում հնարավոր ընտրական իրավախախտումների վերաբերյալ մամուլի հրապարակումները, քաղաքացիների հաղորդումները և Հայաստանի Հանրապետության գլխավոր դատախազության թե՛ գծով ստացված ահազանգերը (այսուհետ՝ հաղորդումներ) գրանցելու, ուսումնասիրելու, ըստ ենթակայության ուղարկելու, դրանց քննարկման նկատմամբ դատախազական հսկողության արդյունավետությունը բարձրացնելու և այդ ոլորտում Հայաստանի Հանրապետության դատախազության գործունեությունը համակարգելու նպատակով, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 2-րդ մասի 7-րդ և 11-րդ կետերով, 30-րդ հոդվածի 3-րդ մասով՝

Հ ր ա մ ա յ ու մ ե մ՝

1. 2020թ. ապրիլի 5-ին կայանալիք Հայաստանի Հանրապետության Սահմանադրության փոփոխությունների հանրաքվեի նախապատրաստման և անցկացման ընթացքում հնարավոր ընտրական իրավախախտումների վերաբերյալ

մամուլի հրապարակումները, քաղաքացիների հաղորդումները և Հայաստանի Հանրապետության գլխավոր դատախազության թեժ գծով ստացված ահազանգերը գրանցելու, հաշվառելու, ուսումնասիրելու, ըստ ենթակայության ուղարկելու, դրանց քննարկման օրինականության նկատմամբ դատախազական հսկողության արդյունավետությունը բարձրացնելու և այդ ոլորտում Հայաստանի Հանրապետության դատախազության գործունեությունը համակարգելու նպատակով ստեղծել աշխատանքային խումբ (այսուհետ՝ աշխատանքային խումբ)՝ հետևյալ կազմով՝

Աշխատանքային խմբի ղեկավար՝ Արմեն Հարությունյան (ՀՀ գլխավոր դատախազի տեղակալ), աշխատանքային խմբի անդամներ՝ Արսեն Մարտիրոսյան (ՀՀ գլխավոր դատախազության ՀՀ հատուկ քննչական ծառայությունում մինչդատական վարույթի օրինականության նկատմամբ հսկողության վարչության պետ), Արտակ Հարությունյան (ՀՀ գլխավոր դատախազության մարդու դեմ ուղղված հանցագործությունների գործերով վարչության պետ), Վահագն Պողոսյան (ՀՀ գլխավոր դատախազության ՀՀ հատուկ քննչական ծառայությունում մինչդատական վարույթի օրինականության նկատմամբ հսկողության վարչության պետի տեղակալ), Արմեն Մուրադյան (ՀՀ գլխավոր դատախազության ՀՀ հատուկ քննչական ծառայությունում մինչդատական վարույթի օրինականության նկատմամբ հսկողության վարչության ավագ դատախազ), Հայկ Պետրոսյան (ՀՀ գլխավոր դատախազության ՀՀ հատուկ քննչական ծառայությունում մինչդատական վարույթի օրինականության նկատմամբ հսկողության վարչության ավագ դատախազ), Արսեն Մարգարյան (ՀՀ գլխավոր դատախազության ՀՀ հատուկ քննչական ծառայությունում մինչդատական վարույթի օրինականության նկատմամբ հսկողության վարչության դատախազ), Շուշանիկ Իսրայելյան (ՀՀ գլխավոր դատախազության մարդու դեմ ուղղված հանցագործությունների գործերով վարչության պետի տեղակալ), Մամիկոն Մարտիրոսյան (ՀՀ գլխավոր դատախազության մարդու դեմ ուղղված հանցագործությունների գործերով վարչության ավագ դատախազ), Դավիթ Կարապետյան (ՀՀ գլխավոր դատախազության կոռուպցիոն հանցագործությունների գործերով վարչության պետի տեղակալ), Անդրանիկ Մանուկյան (ՀՀ գլխավոր դատախազության կոռուպցիոն հանցագործությունների գործերով վարչության պետի տեղակալ), Գրիգոր Ամիրյան (ՀՀ գլխավոր դատախազության հասարակական անվտանգության դեմ ուղղված հանցագործությունների գործերով վարչության ավագ դատախազ), Վարդգես Սարգսյան (ՀՀ գլխավոր դատախազության հասարակական անվտանգության դեմ ուղղված հանցագործությունների գործերով վարչության ավագ դատախազ), Մարատ Հակոբյան (ՀՀ գլխավոր դատախազության բնակչության առողջության դեմ ուղղված հանցագործությունների գործերով վարչության ավագ դատախազ), Նարեկ Խաչատրյան (ՀՀ գլխավոր դատախազության սեփականության դեմ ուղղված հանցագործությունների գործերով վարչության դատախազ), Տիգրան Ամբարյան (ՀՀ զինվորական դատախազի տեղակալ), Վահագն Պողոսյան (Երևան քաղաքի դատախազի տեղակալ), Լևոն Չարխիֆալակյան (Երևան քաղաքի դատախազի տեղակալ), Գևորգ Թովմասյան (ՀՀ գլխավոր դատախազի խորհրդական), Գոռ Աբրահամյան (ՀՀ գլխավոր դատախազի խորհրդական), Արևիկ Խաչատրյան (ՀՀ դատախազության հանրային կապերի բաժնի պետ), Աիդա Շահբազյան (ՀՀ դատախազության արարողակարգի վարչության պետի տեղակալ՝ աշխատանքային խմբի քարտուղար), Սուսաննա Անդրեասյան (ՀՀ գլխավոր դատախազության ՀՀ հատուկ քննչական ծառայությունում մինչդատական

վարույթի օրինականության նկատմամբ հսկողության վարչությանն աջակցող բաժնի պետի պաշտոնակատար՝ աշխատանքային խմբի քարտուղար):

2. Աշխատանքային խմբին՝

1) Ուսումնասիրել 2020թ. ապրիլի 5-ին կայանալիք Հայաստանի Հանրապետության Սահմանադրության փոփոխությունների հանրաքվեի նախապատրաստման և անցկացման ընթացքում հնարավոր ընտրական իրավախախտումների վերաբերյալ հաղորդումները, լուծել դրանց ենթակայության հարցը.

2) Գործնական աջակցություն ցուցաբերել Հայաստանի Հանրապետության գլխավոր դատախազության կառուցվածքային ստորաբաժանումներին և ավագ դատախազներին, Հայաստանի Հանրապետության զինվորական կենտրոնական դատախազության կառուցվածքային ստորաբաժանումներին և ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազությունների դատախազներին՝ ընտրական իրավախախտումների վերաբերյալ հաղորդումների քննարկման, նյութերի նախապատրաստման և հարուցված քրեական գործերի նախաքննության օրինականության նկատմամբ դատախազական հսկողություն իրականացնելիս.

3) Ընտրական իրավախախտումների վերաբերյալ հաղորդումների քննարկման, նախապատրաստված նյութերի և հարուցված քրեական գործերի ամփոփման արդյունքներով պատրաստել և սահմանված կարգով աշխատանքային խմբի ղեկավարին ներկայացնել համապատասխան տեղեկանքներ.

4) Սերտ համագործակցություն ապահովել իրավապահ մյուս մարմինների, դիտորդական առաքելություն իրականացնող և շահագրգիռ այլ կազմակերպությունների ու անձանց հետ.

5) Ապահովել կատարված աշխատանքների հրապարակայնությունը:

3. Հայաստանի Հանրապետության գլխավոր դատախազության կառուցվածքային ստորաբաժանումներին և ավագ դատախազներին, Հայաստանի Հանրապետության զինվորական կենտրոնական դատախազության կառուցվածքային ստորաբաժանումներին և ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազությունների դատախազներին՝

1) Ընտրական իրավախախտումների վերաբերյալ հաղորդումները քննարկել և դրանց ընթացք տալ հնարավորին սեղմ ժամկետում.

2) Ընտրական իրավախախտումների վերաբերյալ հաղորդումների քննարկման, նյութերի նախապատրաստման և քրեական գործերի հարուցման, դրանց ընթացքի մասին հաղորդումներ ուղարկել աշխատանքային խմբին.

3) Անհրաժեշտության դեպքում, նույնաբնույթ ընտրական իրավախախտումների վերաբերյալ հաղորդումների քննարկման, դրանց հիման վրա նյութերի նախապատրաստման և հարուցված քրեական գործերի նախաքննության, ինչպես նաև բարդ ու տարաբնույթ մեկնաբանությունների տեղիք տվող հարցադրումներով միասնական պրակտիկա ապահովելու նկատառումով, խորհրդակցել խմբի ղեկավարի հետ, կազմակերպել քննարկումներ:

4. Հայաստանի Հանրապետության դատախազության հանրային կապերի բաժին՝

1) Իրականացնել ընտրական իրավախախտումների վերաբերյալ հաղորդումների էլեկտրոնային գրանցումը և հաշվառումը, արդյունքները՝ ինչպես էլեկտրոնային, այնպես էլ թղթային տարբերակով, պարբերաբար կամ ըստ անհրաժեշտության ներկայացնել աշխատանքային խմբին,

2) Կազմակերպել ընտրական իրավախախտումների վերաբերյալ հաղորդումների քննարկման և կայացված որոշումների օպերատիվ լուսաբանումը՝ ապահովելով դրանց հրապարակայնությունն ու թափանցիկությունը:

5. Աշխատանքային խմբի ղեկավարին՝

1) Յուրաքանչյուր շաբաթվա երկրորդ օրը՝ մինչև ժամը 11⁰⁰-ն, ամփոփ տեղեկանք ներկայացնել Հայաստանի Հանրապետության գլխավոր դատախազին՝ ընտրական իրավախախտումների վերաբերյալ ստացված հաղորդումների, դրանց գրանցման, հաշվառման, ընթացք տալու վիճակի և արդյունքների մասին,

2) Անհրաժեշտության դեպքում Հայաստանի Հանրապետության գլխավոր դատախազին ներկայացնել համապատասխան տեղեկատվական-մեթոդական ցուցումների նախագծեր,

3) Անհրաժեշտության դեպքում, զեկուցման ներկայացված տեղեկությունները, շրջաբերական նամակների տեսքով ուղարկել Հայաստանի Հանրապետության գլխավոր դատախազության կառուցվածքային ստորաբաժանումներին և ավագ դատախազներին, Հայաստանի Հանրապետության զինվորական կենտրոնական դատախազության կառուցվածքային ստորաբաժանումներին և ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազությունների դատախազներին:

6. Աշխատանքային խմբի քարտուղարներին՝ աշխատանքային խմբի ղեկավարի անմիջական ղեկավարությամբ ընտրախախտումների վերաբերյալ գրագրություններով վարել առանձին գործավարություն:

7. Սույն հրամանն ուժի մեջ է մտնում հրապարակմանը հաջորդող օրվանից:

8. Սույն հրամանի կատարման վերահսկողությունն իրականացնում է Հայաստանի Հանրապետության գլխավոր դատախազը:

9. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին և ավագ դատախազներին, Հայաստանի Հանրապետության զինվորական կենտրոնական դատախազության բաժինների պետերին ու ավագ դատախազին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության գլխավոր դատախազի խորհրդականներին ու օգնականներին, Հայաստանի Հանրապետության դատախազության գլխավոր քարտուղարին:

Ա. ԴԱՎԹՅԱՆ

